

rum, quæ syncretica huiusmodi colluvies Reipubl. cum Hebrææ, tum Christianæ omni tempore dedit, historiam, quam notare augur publicus debet, cavere Princeps, ni velit, dum pennas fugit, in retia incidere. Vultis Rempublicam converti, corrumpi, pessum ire? Syncretismo januam aperite, quam cum aperuit Eva, omnem Evignarum politiam evertit. Ex quo Filii DEI cum filiabus hominum sanguinem fidemq; miscuere, viam Cain ingressi, gladio Spiritus in vaginam recondito, susque habito, in rubiginem deformato, fatalis è Cælo imber orbem sepeliit. Nimrod ipse nomen suum, Apostata ac Sophista gloriæ proposito illicio, venatus nationum dispergendarum animos, immanem pharum extruxit, Unionis syncreticæ obsidem, & consilii divini de Coloniis in omnem terram educendis obicem. Quis sophismatis eventus? lacescita divina Nemesis Babelem, Babelem esse iussit. Puppas ac idola amavit politia Hebræa adhuc infans, Niloticis vitulis assueta, sed atroci servitute luit, quod malè lusit: exitio excidioque devota ob contagium moscholatricum, Moabiticum, Cananæum: restituta post solutam captivitatem citiùs ruiisset, nisi fatum syncretismi (ex idiomate, & coniugio profano, exotico, mixto, unde bi formis & quasi

Aa 4 hybri-